

2004ko marxoaren 11ri jarriak

I

Martxoaren hamaika zen,
Madrilen, goiza hain zuzen:
trenak berriz hasi ziren
zerura kea botatzen.
Ke seinaleak laster batean
hasi ziren desagertzen,
kasu honetan, ordea, sua
kea joanda piztu zen.



IÑIGO AZKONA

IV

Zergatik sarraski hura?
Nor da halako krudela?
ETA edo ALA, zein da
hau lotzeko erregela?
Nahiz jakin bonbak jarritakoak
islamiarrak direla,
seguru odol "RH" a
negatiboa dutela.

II

Kearen ondoko suak
enbor asko erre ditu,
aldiz, inor ere ez da
hotz-hotzean errenditu.
Ordutik suak ez du tokatu
ohi zaion lana kunplitu:
jendea aise berotu arren,
ez du askorik argitu.

V

Zenbat ama, aita, andre,
senar, neskato, mutiko...
euren lagunen defentsan
ibili direnak tinko!
Eguneroko bizimoduan
ez dute erraz segiko,
baina biktima diren artean
zauria ez da itxiko.

III

Orain auzitegietan
dabiltza dena juzgatzan,
nahiz eta Madrilen denak
jardun juizioa galtzen.
Sumarioak azaldu arren
han gertatu zena zuzen,
ni "sumario" izena duen
ezertaz ez naiz fidatzen.

VI

Nork kontatuko du behingoz
zer gertatu zen benetan?
Oraindik galdera asko
dago erantzun zorretan.
Hura jazo zen orain lau urte,
hauteskundeen bueltan
eta egia jakingo dugu
hurrengo hauteskundeetan.